

**ԱԵՈՆԱՅԻՆ ՂԱՐԱՔԱՂԻ ԻՆՖՆԱՎԱՐ ՄԱՐԳԻ  
ԱՇԽԱՏԱՎՈՐՈՒԹՅԱՆ ԼԻԱԳՈՐ ՆԵՐԿԱՅԱԳՈՒԳԻՃՆԵՐԻ  
1991 թ. մայիսի 16-ին ՏԵՂԻ ՈՒՆԵԳԱԾ ԺՈՂՈՎԻ  
ՀԱՅՏԱՐԱՐՈՒԹՅՈՒՆԸ**

Ժողովը նշում է.

որ մարզում տեղի են ունենում ողբերգական իրադարձություններ, որոնք ուղեկցվում են բռնություններով, թալանով, ավազակային հարձակումներով, ամբողջ բնակավայրերի, դպրոցների, հիվանդանոցների հրկիզումներով, անօրեն ձերբակալություններով, մարդկային արժանապատվության ստորացումով և իրենց օջախներից խաղաղ բնակչության արտաքսումով: Անձնագրային ռեժիմի ստուգման պատրվակով պատժիչ գործողությունները անց են կացվում բացառապես հայ բնակչության նկատմամբ:

Աղբրեջանական ՆԳՆ ուժերով, ԽՍՀՄ ՆԳՆ ներքին գործերի ստորաբաժանումների աջակցությամբ շարունակվող բռնությունները, անարեկչությունը, թալանը, սպանությունները և Աեռնային Ղարաբաղի հայության բռնի տեղահանությունը ստիպեցին ժողովրդական պատգամավորների ԼՂԻՄ-ի մարզային խորհրդի գործկոմին միջազգային կազմակերպությունների և արտասահմանյան պետությունների կառավարությունների անաջ հարց հարուցել ինքնավար մարզի ամբողջ հայ բնակչությանը քաղաքական ապաստան տալու մասին:

Դրա հետ մեկտեղ հետագա արյունահե-

ղությունից խուսափելու նպատակով ժողովը հայտարարում է.

- ԼՂԻՄ-ը հավատարիմ է մնում սահմանադրական կարգուկանոնին և իր հետագա լիարյուն գոյությունը տեսնում է նորացված միութենական ֆեդերացիայի կազմում:

- Դիմում է ԽՍՀՄ իշխանության բարձրագույն մարմիններին, անհապաղ միջամտել և ապահովել հայ բնակչության կյանքի, արժանապատվության և տարրական իրավունքների պաշտպանությունը:

- Արտակարգ դրության ռեժիմի իրականացումը անհրաժեշտ է ապահովել քաղաքիկորեն ԽՍՀՄ ՆԳՆ գործերի կողմից:

**Կոչ է անում**

- Մարզի աղբրեջանական համայնքին՝ իշխանության սահմանադրական մարմինների վերականգնման, երկու համայնքների փոխհարաբերություններում գոյացած հիմնահարցերի լուծման վերաբերյալ բանակցությունների:

- Կոնֆլիկտի մեջ ներքաշված բոլոր կողմերի բանակցությունների հիման վրա վերանայել ԼՂԻՄ-ի վերաբերյալ ընդունված հակասահմանադրական բոլոր որոշումները: □